

— 152 —

SONNEN GOH (1)

PÈH KEVELLEU TRIST

Péh kevelleu trist, ô men Doué, em
 es hiniù re - seu - et : Me mestrézig a
 garanté e gleuan, zou dimé - et.

1

5

Péh kevelleu trist, o men Doué
 Em es hiniù reseuet :
 Me mestrézig a garanté
 E gleuan zou diméet.

M'em es hou hantet pèl amzér,
 Ha m'hou kuita get glahar,
 Avel un durhunel tinér
 E vé forhet ag hé far.

2

6

En ol plijadur ag en doar
 E zou achiù aveidonn,
 Ha n'em es mui nameit glahar
 En dondoned a me halon.

Émesk er boketeu kaeran,
 Liés mat é vé kuhet
 En drein hag er pikeu luemman,
 En aeron, er serpanted.

3

7

M'em es kollet en ur momand
 Pemp pléad a eurusted;
 E hon ér boén hag én tourmant,
 Ha get men dous dilézet.

M'hou ped enta, me mignoñned.
 Pautred iouank e garan,
 Repozein jamés ne glasket,
 E kreiz el léhieu brañan.

4

8

Kenevo tud a Seglian,
 Guellan tud ag er hanton ;
 Genoh é kreiz er jqué vrasan,
 Ma trebillot me halon.

Rak allas ! mar da ur goaleur
 De hobér d'oh diblasein,
 Ne vou meit krioh hou maleur
 Ha diésoh de uzein.

(1) Tennet ag er *Paroisse Bretonne*, merh 1924.

9

Eidon mé, hiniù zou laket
Glahar bras é me halon,
Ha mar karet me cheleuet,
Me larou d'oh er rézon :

10

Epad ma oen é me jardrin,
E sellet er boketeu,
Me halon karget a ankin,
Men deulegad a zareu.

11

En un taul me gleu un estig,
Adrest me fen é kañnal :
 « Diméet é hou mestrézig ;
Hé halon zou reit d'un al. »

12

Ha nezé kentéh é kounar,
Me gemér me fuzillen
Ha get un tenn mé e ziskar
En estig ar en dachen.

13

Regolou elsen é vuhé,
En neb en dou er galon
De zonet de laret d'ein mé
Er péh e hra m'afliksion.

14

Ha bremen pen dé bet torret
El laseu me arié,
Emen é vou ret d'ein monet
 Aveit achiù men buhé ?

15

Pen dé me mestréz diméet,
Me gemérou un abit,
Eit biùein èl ur rékolet,
Pé haval doh un ermit.

16

Met, a pe chonjan a zevri
En ur benijen elsé,
M'hé guél karget a velkoni;
Ne chanjein ket a vuhé.

17

Mar em es kollet men dousig
Chommein e hra hoah merhed,
Hag e ven rein ou halonig
Ha choéj émesk er bautred

18

Aveit kavet ur huir vestréz,
E vou ret d'ein mé bout fin.
Ne choéjein ket ur groleréz
Nag ur plah e gar er guin.

19

Met me anaù ur plah iouank
Er huellan ag er hornad.
Honneh vou me fried hemb mank,
Pe vou konzet doh hé zad.

20

Enni é ma me honfians,
Dehi vou me haranté ;
En hi lakein me espérans
Eit konfortein men buhé.